

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. सरकारै 21 जुलाई थवां शुरू होआरदे मानसून सत्र थवां पैहले सर्वदलीय बैठक सद्दी ऐ।
2. कांग्रेस नेता मल्लिकार्जुन खड़गे ते राहुल गांधी होरें प्रधानमंत्री नरेंद्र मोदी हुंदे अगगे अपील कीती ऐ जे ओह् औंदे मानसून सत्र दौरान जम्मू-कश्मीर दा राज्य दा दर्जा बहाल करन।
3. मुखमंत्री उमर अब्दुल्ला होरें किफायती भाएं पर महिला दिक्ख-भाल गी बढ़ावा देने लेई जम्मू च सरबन्धी परियोजनाएं दा उद्घाटन कीता।
4. एम.एच.ए नै जम्मू-कश्मीर च तैनाती लेई सी.आर.पी.एफ दी 20 नमी बटालियनां खड़ेरने दी मंजूरी दिती।
5. अखनूर पुलस स्टेशन गी गृह मंत्रालय आसेआ बेहतरीन कारकरदगी लेई सम्मानित कीता गेआ।

<><><><><><>

Govt. All Party Meet

संसद दा बरसांती आहला इजलास लाने थवां पैहले सरकारै ऐतवारें सर्वदलीय बैठक सद्दी ऐ। इस बैठक च सरकार संसद दे दौनें सदनें गी सुचारू ढंग्गै सिर चलाने आस्तै सब्भनें राजनीतिक दलें थवां सहयोग मंग्गोग। बरसांती आहला एह् इजलास इस म्हीने दी 21 तरीक थवां अगले म्हीने दी 21 तरीक तगर चलौग। इस दौरान केई सारे महत्वपूर्ण विधायकें पर चर्चा ते उन्दे पारित होने दी मेद ऐ।

<><><><><><>

Congress

कांग्रेस अध्यक्ष मल्लिकार्जुन खड़गे ते विपक्ष दे नेता राहुल गांधी होरें प्रधानमंत्री नरेंद्र मोदी होरें गी चिट्ठी लिखिए अपील कीती ऐ जे औंदे मानसून सत्र च केंद्र शासित प्रदेश जम्मू-कश्मीर गी राज्य दा दर्जा देने लेई केंद्र विधेयक लेइए आवैं। चिट्ठी च कांग्रेस पार्टी नै राज्य दा दर्जा बहाल करने लेई गलाया ऐ जे जम्मू-कश्मीर दे लोकें दे लोकतांत्रिक हकें दी राक्खी हिफाजत होई सकैं ते लोकें दिएं आसैं-तांगें गी पूरा कीता जाई सकैं। इस पर अपनी प्रतिक्रिया दिंदे होई मुखमंत्री उमर अब्दुल्ला होरें आखेआ।

<><><><><><>

मुख्यमंत्री उमर अब्दुल्ला होंरें जम्मू दे नेशनल अस्पताल च प्रोजेक्ट 13-13 दा उद्घाटन कीता। इस पैहलकदमी दा मकसद महिलाएं गी सस्ती ते गुणवत्ता आहली सेहत सरबन्धी सेवां उपलब्ध करोआना ऐ ते मेद कीती जा'रदी ऐ जे इस अभियान कन्नै बक्ख-बक्ख सामाजिक ते आर्थिक वर्गें दी महिलाएं दी जरूरी चिकित्सक सेवाएं च सुधार होग। इस मौके पर बोलदे होई मुख्यमंत्री होंरें इस अस्पताल दी इयो ज्नेई पैहलकदमी करने दी सराहना कीती ते एह अभियान क्षेत्रे दी महिलाएं गी सस्ती ते व्यापक चिकित्सक दिक्खभाल आस्तै सेवां प्रदान करोग। इस मौके पर बोलदे होई मुख्यमंत्री उमर अब्दुल्ला होंरें आखेआ।

<><><><><><>

Cabinet-Krishi

केंद्री मंत्रिमंडल नै राईबाई दी पैदावार बदाने आस्तै प्रधानमंत्री धन धान्य कृषि योजना गी मंजूरी दिती ऐ। नमी दिल्ली च मंत्रिमंडल दी बैठक मगरा संवाददाताएं गी जानकारी दिंदे होई सूचना ते प्रसारण मंत्री अश्विनी वैष्णव होंरें आखेआ जे इस योजना दे तैहत मुख्य च 100 जिलें दी ताल कीती जाग जेड़े त्रै प्रमुख संकेतकें घट्ट उत्पादकता जित्थे फसलें दी रड़ घट्ट हुंदी ऐ ते घट्ट दोहार पर आधारित होडन। मंत्री होंरें आखेआ जे इस स्कीम कन्नै मुख्य दे 1 करोड़ 70 लक्ख करसानें गी मदद थोग।

<><><><><><>

Yatra-Fake News

श्री अमरनाथ जी दी जातरा रमानदारी आहले ढंगै सिर जारी ऐ। श्रद्धालु बिजन कुसै दिक्कत परेशानी दे बाबा बर्फानी दे दर्शन करा'रदे न। एह गल्ल कश्मीर दे डिविजनल कमिशनर होंरें उस्सलै आक्खी जिलसै सोशल मीडिया चैनल्स पर गलत खबर चला'रदी ही जे जाततरा गी स्थगित करी दिता गेआ ऐ। 15 जुलाई तगर 2 लक्ख 34 जहार थवां मते श्रद्धालु बाबा बर्फानी दे दर्शन करी चुके दे न। लोकें गी सलाह दिती गेई ऐ जे ओह जातरा मुतल्लक कुसै बी जानकारी आस्तै आधिकारिक जानकारी पर गै भरोसा करन।

<><><><><><>

MHA-Battalions

केंद्री गृह मंत्रालय नै केंद्री रिजर्व पुलस बल सी.आर.पी.एफ गी जम्मू-कश्मीर च तैनाती आस्तै 20 जहार थवां मते जोआनें गी शामिल करदे होई 20 नमी बटालियन बनाने दी सैद्धांतिक मंजूरी देई दिती ऐ। आकाशवाणी दे जम्मू संवाददाता दी रिपोर्ट मूजब 22 अप्रैल गी पहलगाम च होए दे आतंकवादी हमले ते ओदे मगरा शुरू होए दे आपरेशन सिंदूर मगरा मंत्रालय नै 20 बटालियनें गी मंजूरी दिती। खजाना मंत्रालय आसेआ इस प्रस्ताव गी पैहले गै मंजूरी दिती गेई ऐ ते केंद्री मंत्रिमंडल थवां बी तौले गै मंजूरी थोने दी मेद ऐ। नमियां बटालियनां जम्मू-कश्मीर दे हालात मूजब ते उन्नत परिचालन क्षमताएं कन्नै

लैस होडन। एहदा मकसद कनून बवस्था ते आतंकवाद रोधी अभियानें च मुकामी पुलस दी सहायता करना, नार्के पर जांच ते होर दुए संवेदनशील इलाकें च तैनाती ऐ।

<><><><><><>

Akhnoor-Police Station (byte)

अखनूर पुलस स्टेशन गी 2024 च गैर मामूली प्रदर्शन करी गृह मंत्रालय नै सब्भनं शा बेहतरीन पुलस स्टेशन चुनेआ ऐ। इस पुलस स्टेशन गी गृह मंत्रालय दी सलाना रैंकिंग दे मताबक जम्मू-कश्मीर दा सब्भनं शा बेहतरीन पुलस स्टेशन मन्नेआ गेआ ऐ। जम्मू-कश्मीर पुलस दे महानिदेशक नलिन प्रभात होरें आई.जी.पी जम्मू भीमसेन तूती हुंदे कन्नै इस स्टेशन दा दौरा कीता ते उत्थे जाइयें बेहतरीन प्रदर्शन दा प्रमाण पत्र बी भेंट कीता। एह अवार्ड अखनूर पुलस स्टेशन दा बेहतरीन प्रदर्शन, लोक सेवां आस्ते बचनबद्धता ते प्रभावी पुलिसिंग गी दर्शादा ऐ ते एह उपलब्धि जम्मू-कश्मीर पुलस दी समाजसेवा आहली बक्खी लग्न गी दर्शादी ऐ। मीडिया कर्मिणं कन्नै गल्ल करदे होई महानिदेशक नलिन प्रभात होरें आखेआ।

<><><><><><>

Budgam-Property Attach

आतंकवाद सरबन्धी ढांचे गी नष्ट करने दी दिशा च इक्क महत्वै आहली गेंs तैहत बडगाम पुलस नै पाकिस्तान आधारित आतंकवादिणं दे हैंडलर्स दी त्रै संपत्तिणं गी अटैच कीता ऐ। एह संपत्तियां Khag, Chewa Beerwah ते Harwani Khansahab च न। एह कार्रवाई खिते थवां आतंकवाद सरबन्धी ढांचे गी नष्ट करने दी दिशा च इक महत्वै आहली गेंs ऐ। पुलस अधिकारी नै गलाया जे इयै नेई कारवाइणं दा मकसद आतंकवाद गी थहोने आहली माली ते होर दुई स्हूलतें गी खत्म करना ऐ। जम्मू-कश्मीर पुलस नै नेह लोकें खलाफ सख्त कार्रवाई करने दी अपनी बचनबद्धता गी फी पक्का कीता।

<><><><><><>

Bhal Padri Festival doda

जिला प्रशासन डोडा नै, मती उंचाई पर स्थित भाल पदरी आहले सैल्ले मैदानगी जम्मू-कश्मीर दा अगला बड्डा सैलसफा आकर्षण बनाने लेई कमर कस्सी लैतीऐ। सैलसफा मैहकमे आसेआ जिला इंतजामिया दे सैहयोग कन्नै भाल पदरी च औंदी 20जुलाई गी भाल पदरी उत्सव दा आयोजन कीता जा'रदा ऐ। इस दरान उत्थे मस्ती भरोचीद्रौड़, पर्यावरण दे अनुकूल सैर, डिकको लोक नाच, गोजरी लोक गीत, रस्सा-कशीदे मुकाबले ते मुकामी खान-पान दे स्टॉल, आकर्षण दा मुख्क केन्द्र होडन।फुल्लें दी घाटी खोआने आहली एह थाह अपनी अनोखी खूबसूरती लेई जानीजंदी ऐ। सैलसफा मैहकमे नै सैलानिणं ते मुकामी लोकें गी इस उत्सव च शामिल होने दा साद्दा दिता ऐ।

<><><><><><>

Accident

उधमपुर-जम्मू राश्ट्री जरनैली शिड़क उप्पर इक शिड़क हादसे च इक युवक दी मौत होई गई ते दुआ जखमी होई गेआ। एह हादसा मांड दे प्रिंस कैपरी होटल कश होआ जदूं इक्क गड्डी डिवाइडर कन्ने बज्जियै पुट्ठी होई गई। स्हाड़े संवाददाता दी रिपोर्ट मूजब इस हादसे च शिकार युवाएं दा नाs 29 बरें दे सुमित कुमार ते 28 बरें दे राहुल कुमार दे तौर पर होई ऐ। एह दवें जनें मनवाल दे रौहने आहले न। पुलस नै इस मामले च मामला दर्ज कीता ऐ ते इस हादसे दी कार्रवाई चलारदी ऐ। इस बारे होर जानकारी दिंदे होई स्हाड़े संवाददाता नै आखेआ।

<><><><><><>

Weather

मौसम विभाग नै पूरे जम्मू-कश्मीर च 16-17 जुलाई ते 21 थमां 23 जुलाई तगर भारी बरखा होने दे असार दस्से न जेदे करी विभाग नै बाढ़ ते ल्हास-पस्सियां पौने दे परामर्श बी जारी कीते न। इस परामर्श मूजब संवेदनशील क्षेत्रें च ल्हास-पस्सियां ते कुप्पड़ पेई सकदा ऐ। विभाग नै खास करियै प्हाड़ी इलाकें च कुप्पड़ पौने दी पेशनगोई कीती ऐ। नदियें, नालें च पानी दा स्तर बधने करी खल्के इलाकें च पानी भरोची सकदा ऐ। विभाग आसेआ लोकें गी इयै ज्नेय हालातें कोला बचने लेई चौकन्ने रौहने दी ते निर्देशों दा पालन करने दी सलाह दिती गेदी ऐ।

<><><><><><>